

影印
文淵閣

四庫全書

影印

文淵閣四庫全書

第一二六四冊

北京出版集團公司
北京出版社

本冊目次

沙	清	東	華
溪	惠	田	泉
集	集	遺稿	集

明	明	明	明
孫	劉	張	邊
緒撰	麟撰	羽撰	貢撰
……	……	……	……
四八三	三一五	二四五	一

欽定四庫全書

集部

華泉集卷一

詳校官中書臣沈 麟

中書臣劉源溥覆勘

總校官庶吉士臣倉聖脉

校對官編修臣蕭九成

謄錄監生臣朱文佐

欽定四庫全書

集部六

華泉集

別集類五 明

提要

欽定四庫全書

華泉集
提要

臣等謹案華泉集十四卷明邊貢撰貢字廷寔華泉其號也歷城人弘治丙辰進士官至南京戶部尚書是集凡詩八卷文六卷魯中立海岳靈秀集曰華泉之作雖不逮何李然平淡和粹孝廟以前海岱之才無其倫比胡應麟詩藪曰世人獨推李何為當代第一余以為空同閨中人氣稍過勁未免失之怒張大復之亮節俊語出于天性亦自難到但工於文句而乏意外之趣獨邊華泉興象飄逸而語尤清圓故當共推此人陳子龍明詩選則曰尚書才情甚富能于沉穩處見其流麗聲價在昌穀之下君采之上今考其詩才力雄健不及李夢陽何景明善于用長意境清

遠不及徐禎卿薛蕙善于用短而夷猶于諸

人之間以不戰為勝無憑陵一世之名而時

過事移日久論定亦不甚受後人之排擊三

人所論當以子龍為持平矣昔薛蕙于嚴嵩

為同年頗相唱和及嵩柄國蕙即謝絕往還

併削去舊作不留一字至今為論者所稱是

集乃取送嵩之作列為壓卷不免見疑于清

議然詩集為貢沒之後其里人劉天民所編

時當嘉靖戊戌正嵩權熾盛之日或天民無

識趨附時局以為榮非貢本志歟其文集亦

大名魏允孚所續刊自明以來談藝家置而

不論今核其品格實遠遜有韻之詞蓋才有

偏長物不兩大附詩以行視為琬琰之藉可

矣乾隆四十三年九月恭校上

總纂官 臣 紀昀 臣 陸錫熊 臣 孫士毅

總校官 臣 陸 費 墀

華泉集原序

余讀華泉先生集蓋有世道之感焉昔者孔子曰先進於禮樂野人也後進於禮樂君子也如用之則吾從先進文勝之敝人至以先進為野人此其已溺而不可返孔子豈不知之而猶力為之辨曰吾從先進云云聖人固以為文質彬彬吾志誠在斯焉已且安知斯人之果不吾從也我明當孝廟之世皇運熙宏人文樸茂學古之士並軫而翔闊西則李獻吉汝南則何仲默吳中則

徐昌穀歷下則邊庭實庭實先生字也獻吉之詞雄仲默之詞逸昌穀之詞蒼先生之詞溫然粹然即人自為家究之緣情示志體物敘倫動軌自然不殊也雖其人已往間嘗諷其詞猶足以想見其人與夫當時政治風俗之盛今之學士大夫文非左國遷固雄向則亡稱詩非石植明遠靈運甫白則亡稱然其氣飄忽迅激驟而睹之色驚稍扣之汨汨乎無餘味焉何者數先生一於鏡古人之精而世學士大夫猶未免擬古人之華也鏡

精者盛世之文撮華者季世之文今之文吾何敢以季世待之然其視盛世何如哉故曰余讀華泉先生集而有世道之感焉先生集舊有本歲久而蝕又遺所為文不載余理濟之明年從先生仲子搜得數十篇因敘入集中為重錄之匪徒不朽於先生之詞且俾論世者有所考鑑庶幾慨然而興先進之思云大名魏允孚序

明 邊貢 撰

詩集一

四言古體

顯陵五章送嚴介溪宗伯

於穆獻考叔哲維則宅茲郢方以蒞王國篤生我后膺符受歷奕世丕承下土是式

滔滔江漢翼軫之墟我后龍翔奄正中區誕基駿命聿紹鴻圖赫赫明明肇闡徽謨

帝念孝思繼序不忘位號既崇復我天常有嚴新廟祠綸烝嘗是典是彝誕告多方

乃命司空伐石京師爵爵我陵大建厥規載經載營竹花卜釐立極考度備物多儀

帝屬其文經緯七曜貞觀崇封勒我純孝億萬斯年湯孫是詔天人肅肅衛茲隧道

隰柳壽林母也

隰則有柳原則有柎顯允林侯母德且壽母壽維何七秩是望母德維何婉古敬姜

殷殷其雷在山之陽侯政有聲聞于東方匪維東方四國是揚母心則閒母體則康體之康矣鬢之黃矣我侯燕喜家之慶矣於百斯年錫福之無疆矣

二章章八句一章章六句

欽定四庫全書

華泉集
卷一

朝涉篇

朝涉美孝子也陳大夫仕為御史贈其親感而悲焉風人美之故作是詩

朝涉洪流夕步江臯凱風吹衣游子心勞岸則有藻江則有魚我釣我採薦之中厨昔曳里布以獻以舞今也則亡敢曜斯組繫祭五鼎厥養迺三祿不逮存哀哀孰堪上塚燕黃下塚回首嗟嗟游子行役已久

曖曖暮光蕭蕭白楊永懷二人曷也可忘

六章章四句

圃田詩

有序

洪隱君者歷下人也有用世之才而不樂於仕仕且及曰吾弗仕也戢居山東習治圃焉予之不見者十年矣日往來於懷思一見之而竟不得也今年春有客自山中來至京師至京師未久也乃歸山中曰洪子之懷子也

欽定四庫全書

華泉集
卷一

甚甚於吾子之懷之也吾歸矣子盍有言乎予曰有是哉洪子之為移文調我也則幸矣作圃田詩以美之

圃有田田田兮宜我碩實連連兮

圃之中兮有田可宮我構斯崇維柏維桐曷以弗永終圃之周兮翼翼盈我疇兮疇有秋兮曷其求兮

一章章三句二章章五句三章章四句

泉之濱哀隱士也

泉之濱兮白石磷兮以飲以濯育吾真兮

泉之澍兮錫之土兮載濬載渠溉之溥兮

人之墜矣泉之匱矣瞻言跂兮衆之喟兮

三章章四句

山之陽送朱子宜歸省 三章

山之陽兮有春者暉草之華矣將子言歸

山有泉兮瀟瀟其流子之歸矣誰與我晤遊

子之歸矣登堂壽母何以贈子曰有春酒

欽定四庫全書

華泉集

四

五言古體

次韻題豫齋扇

適意無多言一笑成莞爾我心寒沙月君心古潭水莫

作江上波隨風夜中起

送別台峰

皎皎中庭月照此離客顏月沈會有升客去何當還采

采園中瓜裊裊不可攀草木本無知枝蔓相鉤環如何

宦遊子岐路長間闌散如蓬逐風聚如雲在山聚散本

莫期毋嗟涕潺潺

茗嶼

涓涓海氣白楚楚衣冠聚誰開高與靈太尉體光貯緬
仰世則公樂茲清茗嶼

盤谷

佳氣何盤盤松柏叢林壑上有大宗祠崇棟華繁鄂始
自一人身分此千萬絡

宗會廟

欽定四庫全書

華泉集

五

廟貌儼生存妥靈綏後祿水木有本源十幅同一轂四
百餘年來因之序昭穆

時思堂

蒼涼海日曙堂下森蘭玉願言永孝思俎豆差繁縟歲
歲薦烝嘗采蘋清澗曲

環翠樓

樓前塚累累隴上麥青青島霧開遠岫海霞明空庭夜
半松聲作淒其不忍聽

延月軒

松上有海鶴松下有泉石軒中几格明軒外狐兔跡延
覽興遐情半窓山月白

望雲亭

感沸此檻泉脈自龍湫來飛出兩白龍劃然丹壁開倚
亭望長雲從天噴風雷

世紀田

朝耕高奧田莫耕高奧田梁盛戒清酤伏臘擊肥鮮良

欽定四庫全書

華泉集
卷一

六

哉古人意以此奉周旋

觀蘇門山圖

昔予祇皇役弭節蘇門山展眺孫登祠薄暮松扉闌淒
風振林木颺颺流區寰如聆長嘯音來彼白雲間又如
見青囊囊琴弄潺湲緬懷沈冥志上與沮溺班一別期
再遊欲往途路艱臨圖起遐想延佇久忘還

再遊石門洞

蒼然郭東山百丈縈青碧石門忽中斷窈窕開仙宅遙

窺日月深却轉煙霧隔中天屹樓居星斗掛几席芳巖

眩綺繡叢巖圍蒼壁山鬼不避人驚猿嘯窺客披榛上

孤亭奇觀壯心魄窮崖倚天懸瀑水半空射高流橫雜

珮直下垂正帛分作四山喧散為千頃澤初冬天未寒

晨曦映嵐赫重來意彌眷獨往往任所適信美愜心期胡

為老行役終然脫塵網高舉凌風翮

送王內使敬夫歸省

以華甫詩燈花開亦
始喜臨報清音為韻

歸驂慕鄉土欲止不可能朝發華陰祠日夕過灞陵風

欽定四庫全書

華泉集
卷一

七

林散輕雨山店明春燈忽憶舊時路別來如更增蟪蛄

緞簷牙遊子行到家鄰里登牆頭顧望紛且譁堂前列

車馬堂上生光華何以為親壽宮衣明繡花草堂近終

南采蘭日往來兄弟各相勉行歌咏南陔親心日以悅

親顏日以開閒時語家慶笑指庭中槐春潭水烟青春

岸杏花赤宛轉沙上徑依依記行跡濯纓清淺流還坐

舊苔石鷗鷺了不驚遙應識歸客春分酒初熟香滿青

門店匹馬隨雙童穿林復經塹夜窻清夢裏花筆生彩

焰好是南山靈相尋索詩欠我思何所在乃在樊川泚
斜月照虛梁微風動芳芷悠悠抱沈念脉脉感前喜尺
練難重持春冰限雙鯉君陂水多魚我湖山有鵲一飛
與一潛各自相娛樂同遊京輦下十載鎮如昨昨夜問
君行朝來宦情薄君才比天馬高躅不可蹈我心寔亡
羊多岐賴君導關山一為別輪軫何時到感激木瓜篇
瓊琚愧相報枕書卧南窓月黑燈不明遙夜無近夢深
交有遐情鳴琴寫幽懷調苦絃亦清曲罷不成寢高林
音

欽定四庫全書

華泉集
卷一

八

送陳文鳴

鬱鬱深澗松冬夏不改青濯濯江柳花隨波化流萍美
彼五陵客終朝宴芳腥三楚多秀士皓首窮六經誰
為尺一書薦之升王廷

達人徇高義立志不苟同長嘯六合表傲睨一世中君

看今日顏不及昨日紅乘運各努力揚休樹德風顏年
儻相值跨鶴蓬萊東

次何遜落日泛江贈魚司馬之作奉送劉美之

相投已盍簪相贈還留帶昨暮長安西今朝苑城外誰
言車馬地復得須臾會會君心暫悅去君心轉切秋岐
蔓寒草隱隱烟不絕歸鴈影聯翩墜葉聲騷屑端居尚
興感况乃萬里別桂舸汴江湘何時到蠻內蠻水夜悠
悠月明登郡樓幽蘭翠縈渚紫蘅香繞洲應歌楚人詞
欽定四庫全書

華泉集
卷一

九

坐惜勛名浮

美之席上限韻送別二首

惻惻重惻惻當歌忽成默客車駕雙輪欲挽不可得華
燈粲宵焰殷勤照行色月轉庭榭光風起簷樹黑誰能
理朱絲為鼓長相憶

悠悠清川波矯矯風林翼翼飛邈難止波去何時息憐
君萬里行莽莽天南北罹紛有孤操涉遠無近力不見
寒松枝歲晚青更直

賦得將有事於西疇送王中丞致仕

發春驚蟄始土脉動淵泉時雨宵既零浮陽藹平阡夙
興飾耒耜驅牛登廣原竭茲畎畝力感彼農父言穡事
依東作天時易流憇南鄰有逸夫日晏高枕眠四體苟
不勤何以窮歲年

送王叔武使河南便道省覲二首

黃河三尺雪冰厚不可解使君白馬來青雲見風采蕭
蕭梁園竹秀色遙相待鄒生與枚叟借問今安在日暮

欽定四庫全書

華泉集

十

登吹臺含情向千載

奕奕明農堂脩楣耀晴彩堂前春草綠堂上春雲靄遊
子日下還宮衣試新綵夕膳飪鮮鱗晨羞薦芳蕕何以
祝親壽如山復如海

章氏園餞別升之分得木字

中園飛雨過逍遙散遐矚青雲蔭華棟迴飈撤炎燠百
卉何歲蕤芳菲鮮如沐駕言贈遠人采采溝中綠遲回
未終極陽景沉西陸歸驥嘶長林翔禽鳴高木感物多

所思褰裳以躑躅躑躅不可留何以慰衷曲

送王盛

朝辭雙闕下暮抵三河宿古戍早鴻稀荒城寒草綠上
官山吏拜行縣村童逐冉冉松間亭何人伴幽獨

秋郊別意為汝南孟翁補作二首

驅車循廣術言返故鄉縣晨光一何綺熹微散秋向宛
宛墟曲中盈盈露華泣因之感遊寓物候倏已變豈薄
骨肉情遙重桑梓戀

欽定四庫全書

華泉集

十二

桑梓在何許藹藹汝南村綠叢帶長薄清川映柴門言
別上春時當秋始來還未黍一已獲撫撫見高原落日
樵牧歸涼風散雞豚登堂見鄰叟呼兒具盤飧依依丘
中情欸欸醉後言即爾足為樂安用乘華軒

別劉子二章

文車駕四牡迤邐度層阿伊人秉朝憲結綬辭承華飛
龍御宸極期運亨以嘉甘霖雨九天皇澤被幽遐顧念
囹圄子累累誠可嗟憲章苟不渝殲戮豈在多行哉布

天惠庶以和邦家

昔我二三子弱冠登皇朝並跡協蘭芳聯翩振華鏢
出長楊苑日夕憩平臯逝矣終遐月綢繆以逍遙
顧子邁南江劉侯踰上郊嘉好一乖別馳光修飄颻
臨川睇浮雲結思如迴潮

次韻贈李子行之如陳

迢迢阻歡宴戚戚傷離居離居結中懷鬱鬱慘不舒
若人美無度貞抱冲以虛朝為同朝客夕暮隔林墟
林墟積秋霖流潦不可除四野晦蒼蒼行行安所如
驅馬臨大道瞻顧空踟躕

奉送大司馬華容劉公致仕二首

藹藹東山雲覆彼山下堂乘時播皇澤從龍彌八荒
八荒遼且邈下上以翱翔龍逝鼎湖陰雲歸故山陽
何以慰蒸庶私衷鬱彷徨

草堂何所有有蘭復有芝采采山之側飛仙相與期
寄傲雲霞間可望不可追抗手謝城市去去從此辭
徒遺

高世風永繫來哲思

為楊子賦別母詩

青驪載華轂宛轉度秋坂母氏遠別離客子心繾綣
行采芳蕙緣陔復循畹山風夕飄颻吹我車上憶車行
不可返母去日以遠何以保黃髮對子加餐飯

追送宗之憲副不及

臥疴起恒晏出戶客已行征車揚素塵窈窕踰層城
行導故轍阡術縱以橫望望不見君悠悠傷我情清川
迴白日可以鑒中誠

送沈仁甫歸省二章

瞻夕臨廣郊歡宴良須臾之子駕言返高登鬱踟躕不
惜形影濶所悲歲月踰三江曠綿邈悠悠限東隅征途
慎所須願保千金軀

品服耀有輝班裳以謁之桑梓誠可戀道路安足辭
馨羞潔甘旨爰以隆孝思徘徊膝下歡婉孌及良時修齡
欲有祝永與南山期

元夕致仁宅詠燈送別

佳辰通元夕宴語春雪餘梁燈一何豔流光照離祛燈
燼可復燃祛解難重挈盈盈江上心感念成歎歎相看
已不極相憶當何如

贈王文熙五首

陽鳥流歸音空堂春風早居人結遠夢行子就長道雞
鳴東方白整駕何草草歎息素冠詩繁憂滿中抱

總轡城東門綵綵行子輟郊原茂時卉林薄鳴春鳩登

欽定四庫全書

華東集
卷一

十四

高眺連岡川途邈且脩俯睇川上波泛泛鳧與鷗一為
離群感淚下不能收

昔子往恒山倉卒不我辭竭從恒山至擊經何累累素
室曜朱火哀哀讀喪儀一讀一長號再讀聲轉悲咄嗟
荼苦心逝者寧見知

逝者為何人寔惟子先公往昔泣吾土藹藹多仁風土
人至今思譬若考與宗梁木一朝毀傷哉吾道窮對子
攬長涕誰謂出無從

平居恨迢遠卜舍依我廬如何別我去三載天一隅留
之歎無因欲往路崎嶇形影隔參商托彼雲中書不如
斯須立暫得話踟躕

再送文熙二首

夜久河漢橫春堂別燈黯風淒鳥初動露重花猶斂明
發不在茲重闕為誰掩

離言不可聽離怨不可書一日比三秋茲言良非虛江
深雲木遠去去將焉如

欽定四庫全書

華東集
卷一

十五

送縣令代劉永寧作

南邦有佳士淳樸君子風登朝十年餘墨綬猶在躬維
昔治莆日化與由也同監司匪宣尼誰哉賞其功再命
泣恒山冰心晚彌篤予慚舊令尹有政不可告驅車薊
門外把酒燕臺曲大道坦且直一試千里足

贈何邦彥

花林霽宵雨柔碧光離離美人駕行車迤邐雙輪遲輪
遲無終極親愛從此辭何以結綢繆玉瓶金屈卮浮雲

暗長路奄忽天一涯窮谷多狼豺水墊虺與螭客子戒
遠道行行欲安之

行行欲安之肅肅持邦刑藉藉于公譽我我高漢廷君
心如列宿照野何晶瑩又如日在空皎皎懸丹扃豈令
囹圄子惻惻歸沈冥

別熊子三章

驅馬陟前阪惆悵送子歸良晤未及終車徒忽已違陰
風蔽天地砂礫慘陽暉葵霍不自謀衆禽相與飛五里

欽定四庫全書

華泉集
卷一

十六

一反顧十里一徘徊徘徊不可見淚下沾我衣

車徒去彌遠言駐澧水陽婉孌諧二親春暉麗高堂堂

下班馬鳴意氣何揚揚暮甘復朝旨為樂良未央嗟彼

時役牽關途遲翱翔

翱翔適嶺海路衢悠以長車前建隼旗車後擁干將擊

獸須擊虎刈蕭無及芳丈夫志萬里遐遠安足傷顛顛

霄漢姿皎皎冰蘗腸易哉保終譽慰我親故望

別湯子五章

關途鬱迢遠卉草青已發驄馬何駉駉向風鳴不歇廣

隰流春霏層岑翳圓月遲迴去不忍引領望京闕

京闕邈難覩萋萋蒼樹林沈沈天宇夕靄靄浮雲陰丈

夫萬里志烈士千古心鳳鳥久不鳴誰哉繼其音

彈子匣中琴寫我心曲悲我悲良自諳子琴知者誰不

惜去日早但恨來日遲何當假羽翼送子川之湄

驅車井陘谷揚旆汾水流翱翔覽四極迢遰陟崇丘遐

陬歷巖嶽幽訪浹原疇曷哉利爾涉風濤寡行舟

欽定四庫全書

華泉集
卷一

十七

喬木多勁柯直流無反波哲人秉孤操孰云光可和嗟

彼黃雀吟感此卿雲歌悠悠向原隰悅悅將如何

吳將軍巡關圖

戎馬歲南牧漢軍勞北防軍情異主將冷煖須共嘗朝

出潮河川暮過古北口邊烽傳羽箭朔氣嚴刁斗月下

黑山晴分明見列營霜欺征袖薄石報獵蹄鳴三軍晏

然睡我亦倚吾枕天子不可驚長懷亞夫寢

清白傳家卷為劉安之題

清如渭川水白如太白山邈爾清白人遙在山水間至
清不可清至白不可涅傳子復傳孫一心如一轍山同
今古色水同今古流清白苟不變山水同悠悠

題白巖畫松圖

古松何童童獨立難可羣歲暮倚冰壑偃蹇凌蒼雲脩
標有遠蔭直幹無曲文匠氏苟不遺寧避斧與斤

題楊氏所藏畫

翩翩水禽飛灼灼水花亂柔艷雜幽聲紛紛滿芳甸悠

欽定四庫全書

華泉集

六

悠畫中意潑潑天機新彷彿曾遊處江南二月春

題畫

空江夕烟斂日色沙上明輕漣漾蘭楫嫋嫋秋風生白

雲滿層阿林光帶高城姬文去已遠詎辨垂綸情

題放鶴圖集陶句

野外罕人事靈府長獨閒登陟千里餘晨夕看山川
川一何曠亭亭月將圓雲鶴有奇翼一盼周九天但使
願無違甘以辭華軒念之動中懷放意樂餘年吁嗟身

後名百世誰當傳

答顧華玉見懷之作

離腸如車輪萬轉不計程咫尺阻言讌何殊在山城閒
曹事稽纂文墨紛相縈不見馬上人空聞馬蹄聲攬
衣步幽閨脉脉牽遙情屋上春鳩啼樹杪浮雲行坐惜
韶景暮江皋芳杜生

贈徐子

丹棗何累累朝日耀其光上有同林鳥飛飛鳴且翔行

欽定四庫全書

華泉集

十九

子遠于役攜手登河梁舊京渺安之江永衢路長戚戚
里中語依依川上情駕言往相逐無舟何以航乖離去
則已但使心無忘

贈友

春陽初獻歲芳樹日以青送遠及近郊何由申我情我
情方鬱紆君駕不可停瞻彼飛鴻翼聯翩共遐征奕奕
雲中河爛爛川上星中願渺難遂佇立以屏營

醉中呈時大親丈

憶昔別丈人倏忽八九春往年雖暫逢契濶無由伸寒
冬陰氣固微陽照廣津送送不及遠千里空勞神今來
芳草時言作上國賓青袍耀垂楊移家住京塵吾親適
試吏相過無昏晨見母復見姑此樂難具陳佳辰展良
讌味寡情則真相顧各躊躇何以序情親醉別勿草草
揮手天涯人

逆旅中會同年杜子廷獻因懷其弟廷陳省元

凄然增感

欽定四庫全書

華泉集
卷一

二十

月缺還復盈木枯還復榮如何泉下客一死無重生芳
筵列時彥栖栖見遺兄昔同賓薦來雙璧價連城今為
失侶鴈徘徊哀且鳴存亡一興感四座盡沾纓孤墳背
山郭宿草萎以縈死者亦何知縈茲骨肉情長歌欲相
慰彌使心怛怛

維洛美劉子也劉子仕洛為大夫作室以奉母

君子名之曰榮養風人美之故作是詩焉

維洛有崇堂宛與伊闕京層構何崔我仰觀浮太清青

雲結懸牖丹霞麗飛薨雞鳴事甘旨爰以隆孝情定省
日在茲致美良匪盈嗟嗟宦遊子百世以為榮

榮名本天爵匪直耀圭組之子仕京洛膏澤被遐土膏
澤被遐土皇鑒亦孔昭烜烜循吏稱洋洋流漢朝寔維
慰母心居處良逍遙

逍遙復容與降陟在斯堂萱草雜杜衡羅生前後廂循
基撫嬰孺登俎挹華觴俯睇洛川流顧瞻嵩與印優哉
樂相樂千春壽未央

欽定四庫全書

華泉集
卷一

二十一

奉贈少司徒華容王公致仕

大谷霽長霖迴雲媚山澤流潦豈不廣孰云泥吾輒朝
謝司農卿夕為岳陽客皇眷良在茲行止各有適有適
非盤教眷言反初役解彼府中綬歸我湖上宅葺宇依
清漣躋山憩玄石幽棲謝生慮靜便終日夕矯矯雲際
鴻誰能制其翮

贈閻允中

郊月隱寒樹喔喔霜雞鳴翩翩隨陽鳥悠悠憚遐征客

車履晨發迤邐踰層城清川帶長薄綠蕪萋以榮江路
東南馳行子慕脩程金陵帝王宅佳麗夙遺名吳觀霑
岵嶢晉丘亦崢嶸憑軒一迴眺千載有餘情

伯川子仕為地官大夫能其官且有顯陟矣一
旦思其母夫人解印綬去予知其必有以也取
六義之比賦有兔詩二章以美之

有兔何爰爰宅我中谷阿中谷一何邃山石鬱嵯我脩
篁蔭清風秋鞠揚其華于偃復于息為樂將如何

欽定四庫全書

華泉集

十三

月明流夕光零露白湛湛飢食野田草困息山石陰物
性有固然衛生良已深不見虞人置肅肅施中林

答石峯見懷之作

斗柄當西南河漢東北傾零零露華白晶晶天宇晴微
風度廣陰熠燿時復明卉木日已黃秋氣日已清念子
理素瑟苦調多離聲嗷嗷失侶鴈汎汎隨波萍會合固
有期此際難為情

露井梧桐凋杳杳秋夜涼眷言懷美人展轉何能當

纖月掛西牖微明照我床皎皎瓊樹姿寤寐如在傍近
離已不堪况乃途路長誰其繫子馬慰我心彷徨

寄弟賦

憶爾別我時日照河邊柳痛哭別我去上馬猶回首知
爾愛我心不殊足與手徘徊望行塵佇立沙上久
弱弟復多病相思傷我神爾須為孝子吾已愧忠臣膝
下三春夢湖南萬里身晨昏甘旨暇休對說烽塵

戲簡王臨安同年

欽定四庫全書

華泉集

十三

候子虎溪渡送子龍陂橋出城不相見征蓋修已遙百
金買江魚千金買春酒期子會宜城飄忽過潼口追子
漢江曲望子峴山頭子有室家好豈知途路愁暮投城
外寺急雨響高屋安得與子同長歌對銀燭子程勿早
發吾駕亦早留風塵莽南北一別動經秋

右揆鄒公由齊入閩齊人有華泉子者與公友
抱病不獲出餞作詩以遺之

懊惱復懊惱雞鳴一何早病夫掩關臥遊子就長道娟